

Bibel fa Kjinja  
brinjt junt



De Fru biem  
Borm



Jeschräwen von: Edward Hughes  
Jemolt von: Lazarus  
Toom Pauss jestalt von: Ruth Klassen  
Äwasat von: Ed Zacharias  
Alastair Paterson  
Hääjestalt von: Bible for Children  
[www.M1914.org](http://www.M1914.org)


BFC  
PO Box 3  
Winnipeg, MB R3C 2G1  
Canada

©2022 Bible for Children, Inc.


Jesazlich: Du doascht dise Jeschicht oppnämen ooda drekjen,  
soo lang aus du dee nich vekjafst.




Jesus un siene Jinja jinjen derch daut Launt Samaria, un kjeemen no de Staut Siechar.



See kjeemen no eenen Borm wua de Lied von  
Siechar äa Drinkjes Wota holden. Jakob, de  
Väavoda von de Israeliten, haud dän mol lang  
trigj jegroft.




De Nomeddach kunn sonnich un heet jewast sennen.  
Jesus wia meed un sad sikj biem Borm dol; de Jinja  
jinjen enne Staut nenn toom Äten kjeepen.





Jesus wia doa  
auleen, oba nich fa  
lang. Eene Fru von  
Siechar kjeem  
Wota holen. Jesus  
säd to ar, "Jeff  
mie waut Wota  
to drinkjen."






Dit wundad de Fru.  
"Woo kjemt daut daut  
du, een Jud, mie  
wurscht no Wota  
froagen wan ekj een  
Samarita sie?" säd see.  
To dee Tiet jeewen  
Juden sikj nich met  
Samarita auf.




See woat sikj woll  
noch dolla jewundat  
haben aus Jesus säd,  
"Wan du wist wää ekj  
wia, hautst du mie no  
läwendjet Wota  
jefroacht."





De Fru säd  
to Jesus, "Har du  
hast nuscht toom  
Wota schapen, un  
de Borm is deep.  
Wua kjrichst du  
dan daut läwendje  
Wota häa?"




"Wäa von dit Wota drinkjt, däm woat wada darschten," säd Jesus ar.


"Wäa oba daut Wota drinkjt, daut ekj jäw, däm woat niemols mea darschten. Daut Wota daut ekj jäw, woat en am eene emma ranende Kjwal sennen, dee eewjet Läwen jeft." De Fru säd to am, "Har, jeff mie daut Wota."



Jesus säd to ar see sull äaren Maun holen.  
"Ekj hab kjeenen Maun," säd see. "Du hast  
fief Mana jehaut," säd Jesus. "Un dee dän  
du nu hast es nich dien Maun."




De Fru sach daut Jesus een Profeet wia. Nu wull see weeten wua eena Gott aunbäden sull: auf en Jerusalem ooda bie de Samarita äa heiljen Boajch. Jesus säd daut de woarhaftje Aunbäda woaren dän Voda em Jeist un en de Woarheit aunbäden.



"Ekj weet, daut de Messias kjemt," säd see.

"Wan dee komen woat, dee woat ons aules dietlich moaken." "Ekj, dee met die räd, sie de Messias," säd Jesus. Jrod donn kjeemen de Jinja trigj. De Fru leet äare diere Wotakruck doa biem Borm un jinkj enne Staut nenn.




"Komt un seet eenen Maun, dee mie aules jesajcht haft, waut ekj jedonen hab!"  
säd see to de Lied en Siechar. "Kunn dit de Christus sennen?" De Lied veleeten de Staut un kjeemen Jesus seenen.



Emtweschchen säden de Jinja to am, "Liera, at doch."  
Oba Jesus säd, "Mien äten es daut, daut ekj däm  
sienen Wellen doo, dee mie jeschekjt haft, un sien  
Woakj verechten doo." Siene Oabeit wia Lied no  
Gott brinjen.



Väle Samarita jleewden aun am, wäajen waut de Fru jesajcht haud. See prachaden am, bie an to bliewen; un hee bleef twee Doag bie an. Väle mea



jleewden aun am wäajen waut hee to an räd. See säden, "Wie haben nu selfst jehieet, un wie weeten, daut dit werkjlich Christus, de Heilant fa de Welt es."





# De Fru biem Borm


Eene Jeschicht von en daut Wuat Gottes,  
de Bibel

finjt eena en

Johanes 4

"Wan dien Wuat openboat woat,  
jefst daut Licht." Psalm 119:130





Daut Enj



Dise Biblische Jeschicht sajcht ons von onsen wundascheenen Gott, see ons jemoakt haft un ons well kjanenlieren.

Gott weet daut wie schlaichtet jedonen haben, waut hee Sind nant. De Strof fa Sind es de Doot, oba Gott siene Leew fa ons es soo groot, daut hee sienen eensjen Sän, Jesus, schekjt, daut hee am Kjriez stoawen sull un de Strof fa onse Sind nämen sull. Dan stunt Jesus vom Doot opp, un fua no sien Tus em Himmell! Wan du dän Gloowen aun Jesus hast, un am frajchst diene Sind to vejäwen, dan deit hee daut! Hee kjemt dan un läft en die, un du woascht opp emma met am läwen.

Wan du dit jleewen kaust, dan saj to Gott:  
Leewa Jesus, ekj jleew daut du Gott best, un worscht een Mensch toom fa onse Sind to stoawen, un daut du nu wada läfst. Komm en mien Läwen un vejeff mie miene Sinden, soo daut ekj nu nieet Läwen haben kaun, un noch emol opp emma no die kom. Halp mie daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

